



Aqqalu C. Jerimiassen

UPA 2022/56

Atassut

24. maj 2022

Ukiuni 1960-ikkut qiteqqunneqarannit 1970-ikkut qiteqqunneqarannut qallunaat peqqinnissamik oqartussaasuisa Kalaallit Nunaanni naartunaveersaartitsinissamik periusersimasaat pillugu Qallunaat naalakkersuisuisa nassuiaateqarnissaannik suliamik aallaartitsinissamik qinnuigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat, Naleraq)

Tusagaq tujorminavissortoq pillugu Danmarkimi Naalakkersuisuiniit qulaajaasoqarnissaanik Naleqqap siunnersuuteqarnera Atassummiit ilalerparput.

Inuup kiffaangissusaa oqartussaana timaalu innarlerneqanngisaannassaaq, aamma taanna kialluunniit assortornaviangilaa. Naak uagut toqqaannartumik Danmarkimi Naalakkersuisut peqqusinnaangikkaluarigut oqariartuut annguttariaqarparput, kiisalu Folketingimi nunatsinniit ilaasortaaitatta kaammattueqataanissaat pisariaqarportaaq.

Atassummiit qulaajagassat assigiinngitsut assortornagit suleqataaffigissavagut ilalerlugillu. Taamaattorli inuiattut nammieernerulernissatsinnut kaammattuutigerusupparput nallinnartunnguatut kinaassuseqannginnissaaq, nunasiaataasimanermullu nukipparujussuit atornagit, ajortumik pineqartarsimaneq unittuussutigiuarnagu, nukigut nunatsinni aqqitassanut atortigit.

Taamanilu naartunaveersaartitaasimasunut Danmarkimi Naalakkersuisut nassuiaanerat iluaquteqarsinnaappat ilalerlugu taaseqataaffigiumaarparput.